

Gvangjsih Minzczu Bau

Guenjbanh: Gvangjsih Bouxcuengh Swcigih Minzczu Cunghvau Swvu Veijvenzvei

Okbanj: Gvangjsih Minzczu Bause

Geiz neix 8 bani

广西民族报

Aenhauhokbanj: CN45-0036

B.2022

Nd.3

Ng.30

Liggaeuq nvaemzvinz nienz ndwengeih ngeihbet

Geizsoq: Gungh daih 3517 geiz

Gvangjsih Gyagiengz Vatacimh Baujhoh Leihyungh Lizsij Vwnzva Swhyenz 广西加强历史文化资源挖掘保护利用

Mboengneix, Swcigih Cufangz Cwngzyangh Gensezdingh lwnh vunz-lai rox, bineix gih raeuz yaek laebdaeb gyagiengz baujhoh swncienz lizsij vwnzva, haeujcoengh aen hawsingz miz diuzgienh bauq aen singz miz-mingz lizsij vwnzva guekgia, giengz-vaq hwnqguh aen cidu baujhoh lizsij vwnzva, hainduj bienguh gviveh aen diji baujhoh swncienz lizsij vwnzva singzmbanj Gvangjsih, cungfaen vat-cimh gij gyaciz lizsij vwnzva swhyenz, gyagiengz laebdang caetveh, baujhoh coihndei guenjieix lizsij gencuz, baex-mienx lid lai hwnq lai, caen lid gyaj

hwnq.

Youq vatacimh lizsij vwnzva fuengmienh, gih raeuz yaek doidoengh gak dieg laebbaenz caeuq laebndei cangzyau gihci, laebdaeb guh nyinh-dingh bujcaz lizsij vwnzva swhyenz, vatcimh buek diuzgai lizsij vwnzva caeuq lizsij gencuz ndeu, guh daengz raen buek gipseiz nyinhdingh goeng-bouh buek, mboujduenh bouj caeuq fungsou lizsij vwnzva baujhoh mingz-loeg, guhbaenz cangzdaiva vatcimh lizsij vwnzva swhyenz. Haenqrengz gaijgez doengh gij vwndiz laeuh caz laeuh bauq, caz cix mbouj dingh,

dingh cix mbouj venj diuzgai lizsij vwnzva caeuq lizsij gencuz, guh daengz wnggai bauj couh bauj, genh-gez haeddingz gak loih hingzveiz buqvaih diuzgai lizsij vwnzva caeuq lizsij gencuz.

Youq bienguh gviveh baujhoh lizsij vwnzva fuengmienh, daengx gih yaek gyavaiq guhsat gviveh geizhanh daengz 2035 nienz bauqbae bienguh gviveh baujhoh aen singz mizmingz lizsij vwnzva, giengzvaq saemjbae guenjieix gviveh baujhoh diuzgai lizsij vwnzva, caemhyamq doicaenh baujhoh coihndei caeuq leihyungh ndei diuzgai

lizsij vwnzva, lizsij gencuz, cungfaen langhbaix caeuq fatok lizsij gyaciz de, hawj vunzlai youq bingzseiz couh rox lizsij, roxninh gij yinxdaeuz vwnzva.

Ciuq cam rox, daengz seizneix, gih raeuz gaenq cingqsik goengbouh 36 dieg diuzgai lizsij vwnzva swcigih gaep caeuq 668 dieg lizsij gencuz, ndawde Bwzhaij Si “diuzgai lizsij vwnzva Roen Cuhhaij—Gaisahciz—Roen Cunghsanh” gaenq ndaej Cufangz Caeuq Cwngzyangh Gensezbu, Goz-gyah Vwnzvuzgiz goengbouh baenz buek daih’ it diuzgai lizsij vwnzva Cungguek. (Loz Vanli Vangz Ginhyi)

Ndaw Suenmak

Baij Yienghndei

果园走秀展风采

Seizneix cingq dwg seiz makgenhgoj Auh-couh ok ndok, youq ndaw suen makgenhgoj Fuz-suih Yen Canghbingz Yangh Swhoz Cunh, nge faexmak roix dem roix ndokhau, ndokmaeq, gyaundeid dangqmaz. 3 nyied 26 hauh, gyoengq mehmbwk aen cunh neix ndang daenj buhvaq moqsag, byaij youq ndaw suenmak, langh-baij yienghndei mehmbwk guhhong mbouj doxdoengz, angqcoux ciet “Sam Nyied Sam” Bouxcuengh yaek daeuj-daengz.

(Luz Vwnzbeiz ingi)



Vatacimh Siujsoq Minzczu Swhyenz Doicaenh Gizdieg Minzczu Lajmbanj Saenqhwngh 挖掘少数民族资源 推进民族地区乡村振兴

Vanzgyangh dwg aen Mauz-nanzcuz Swciyen daengx guek dandog, dwg aen yienh bangfuz youqgaenj lajmbanj saenqhwngh guekgia. 2020 nienz 5 nyied, Vanzgyangh Mauz-nanzcuz Swciyen doiqok aen yienh gungzhoj, saedyienh daengx cuz vutgungz. Vanzgyangh laebdin Sw-hwnh Cin Cinzsangh Cunh swhyenz lai caeuq giekdaj canjnieb, cungfaen vatcimh siujsoq minzczu vwnzva, baujlouz minzczu daegsaek, doicaenh gizdieg minzczu lajmbanj saenqhwngh.

Ciuq cam rox, Vanzgyangh haenqrengz cauhaeb “aen cunghab-

dae suen naz Mauznanz gyaundeid”, aeundaex cingzciik ndei. Daengx aen cunghabdae suen naz gungh bued-cienz 2.5 ik maenz, daengz seizneix, gaenq buedcienz 1.94 ik maenz; dieg hanghmoeg bouxvunz bingzyaenz souhaeuj daj 1995 nienz mbouj daengz 500 maenz daezsang daengz 2021 nienz 18700 lai maenz, ndwenngoenz vunzlai bienqvaq hung.

Siujsoq minzczu vwnzva lij-youzyez laebdaeb daezcaet swnggaep. Vanzgyangh yungh gij vunqsik “nungzyez + minzczu vwnzva + lijyouz”, doidoengh nungzvwnz yungzhab hwnghat, hwnqbaenz suenva yawj-

ngonz, dieg youqndwi epbya, dieg langhbaix minzczu vwnzva, dieg langhbaix canjnieb vwnzva daengi.

Yiengh mbanj miz daegsaek gunghcwngz guh baenaj. Vanzgyangh giethab gak mbanj minzczu daegsaek, vwnzva goekdae caeuq swhyenz diuzgienh mbouj doxdoengz, haenq-rengz dajcauh sam aen mbanj guhyienh huqndei miz cawjdae daegsaek. Doenggvaq yiengh minzczu daegsaek gaijguh daezswng, mbouj-duenh daezswng rengz yingjiyang huq minzczu vwnzva, hawj vunzlai ndaejgeiq vwnzva, baujhoh vwnzva yizcanj aen mbanj.

Laebdaeb haifat siujsoq minzczu vwnzva miz daegsaek. Vanzgyangh cungfaen leihyungh Cinzsangh Cunh minzczu doxgiet yungzhab vwnzva swhyenz caeuq siujsoq minzczu daegsaek vwnzva swhyenz, hwnqguh diengzhong swncienz feihyiz vwnzva, diengzhong dajnyumx, diengzhong dajsan, diengzhong dajveh. Doengz-seiz, Vanzgyangh yungh ngoenzciet siujsoq minzczu guh sienqmeh, cingjhab ngoenzciet cienzdoengj, saedyienh ndwenndwen miz aen ciet iq, geiqgeiq miz aen ciet hung, ndwenndwen miz ngoenzciet.

(Mungz Gyahlungz Dangz Denz)